

21.10.2015.

Podršku Ministarstva za privredu dobilo osam poslodavaca s prostora BPK Goražde



Ministar za privredu BPK Goražde Esed Radeljaš potpisao je danas ugovore o dodjeli sredstava sa osam poslodovaca s prostora Bosansko-podrinjskog kantona Goražde koji su ispunili kriterije javnog poziva po Programu podrške malim i srednjim preduzećima za 2015.godinu.

Vrijednost programa je 128.000KM, a obuhvata mala i srednja preduzeća koja broje od dva do pedeset radnika. Finansijska sredstva koja su odobrena korisnicima kreću se od 4.000 do 30.000KM.



„Raspisan je javni konkurs i poziv na koji je apliciralo deset preduzeća od kojih dva nisu ispunjavala uslove, a osam njih je zadovoljilo kriterije. Ugovori se odnose na poboljšanje uslova rada u svim oblastima te zapošljavanje novih 17 novih radnika. U narednoj godini potrebno je za

ove namjene planirati više sredstava kako bi se zaposlio što veći broj "radnika"- kazao je ministar za privredu BPK Goražde Esed Radeljaš.

Riječi zahvalnosti na podršci i razumijevanju Vladi i Ministarstvu za privredu BPK Goražde ispred poslodavaca uputio Nedim Alagić-Peda, vlasnik preduzeća „Bijele vode“d.o.o. Kako je ovom prilikom istaknuo, ova podrška je od velikog značaja iz razloga što mala i srednja preduzeća, za razliku od velikih, teško opstaju na ovom području.

Izvor:www.bpkg.gov.ba